



**ARABAKO FORU ALDUNDIAREN ADIERAZPEN INSTITUZIONALA,
BERRESKURATZE, ERALDAKETA ETA ERRESILIENTZIA PLANAREN
BARRUAN BERRESKURATZE ETA ERRESILIENTZIA MEKANISMOAK (NEXT
GENERATION EU FUNTSAK) FINANTZATUTAKO PROIEKTUEI LOTURIKO
IRUZURAREN AURKA EGITEKO KONPROMISOARI BURUZKOA.**

Arabako Foru Aldundiak erakunde betearazle gisa jardungo du, Europar Batasunak (Next Generation EU) finantzatutako Berreskuratze, Eraldaketa eta Erresilientzia Planaren esparruan.

Testuinguru horretan, adierazi nahi du konpromisoa hartzen duela arau juridiko, etiko eta moralak betetzeko estandar altuenekin, eta bat egiten duela osotasunaren, objektibotasunaren eta zintzotasunaren printzipio zorrotzenekin, berarekin harremana duten eragile guztiek ikus dezaten bere jardura iruzurraren eta ustelkeriaren aurkako delatza, alderdi guztietatik. Erakundeko langile guztiek, zuzendaritza taldeko kide guztiak barne, konpromiso hori bere egin eta partekatzen dute.

Halaber, erakundeko enplegatu publikoek konpromisoa dute, besteak beste, interes orokorra zaintzeko, ordenamendu juridikoa beteta eta hari helduta, eta printzipio hauekin bat etorritik jarduteko: objektibotasuna, zuzentasuna, neutraltasuna, erantzukizuna, inpartzialtasuna, konfidentzialtasuna, zerbitzu publikoarekiko ardura, gardentasuna, eredu-garritasuna, austeritatea, irisgarritasuna, eraginkortasuna, zintzotasuna, kulturaren eta ingurumenaren sustapena eta emakumeen eta gizonen berdintasunarekiko errespetua (Enplegatu Publikoaren Oinarritzako Estatutuaren Legearen testu bategina onartzen duen urriaren 30eko 5/2015 Legegintzako Errege Dekretuaren 52. artikulua).

Horrez gain, erakunde osoa gidatzeko ardura duten kargu publikodunek bat egiten dute Arabako Lurralde Historikoko Sektore Publikoko Kargu Publikodunen eta Ordezkarien Gobernu Onerako Kode Etikoarekin. Kode hori funtsezkoa da zuzentasunaren erakunde esparruan, eta, doktrinak eta nazioarteko erakundeek proposatutako jarraibideei jarraituz, bi helburu ditu: batetik, kargudun politikoen jokabidea gidatzea, eta, bestetik, herritarrek haien jardunean duten konfiantza areagotzea.

Politika horien xedea da erakunde barruan kultura bat sustatzea iruzur egiteko gogo kentzen duena eta errazten duena iruzurrari aurre hartu eta hura antzematea, eta kasu horiek kudeatzeko, prozedura eraginkorrak garatzea sustatuko da. Iruzurraren aurka egiteko neurri eraginkor eta proportzionatuak jarriko dira abian, aurreko aldietan lortutako esperientzian eta iruzur arriskuaren ebaluazioan oinarrituta.

Horretarako, Arabako Foru Aldundiak Iruzur Arriskua Ebaluatzeko eta Kudeatzeko Taldea (IAEKT) dauka. Talde hori eratu zen Arabako Foru Aldundiak iruzurraren aurka borrokatzeko eta prebenitzeko hartutako konpromisoa eraginkortasunez betetzeko, EGEFek (Eskualde Garapenerako Europako Funtsa) kofinantzatutako eragiketen testuinguruan, eta haren eginkizunak zabaldu egin dira, halaber, barnean hartzeko konpromiso hori, Berreskuratze eta Erresilientzia Mekanismoaren bidez finantzatu eta BEEPeantzatutako jarduketari dagokienez. Era berean, erakunde honek eginkizunak bereiztea bermatzen duten prozedurak ditu. Lankidetzan jarduten dute prozesuen arduradun eta kudeatzaileek, kasuan kasuko erantzukizun arloen barruan barne kontrolako sistema egoki bat dagoela ziurtatzeko eta, beharrezkoa izanez gero, neurri zuzentzaileak arduraz ezartzen direla bermatzeko.



Gainera, Arabako Foru Aldundiak, BEEParen esparruan finantzatutako proiektuen erakunde betearazlea den aldetik, iruzurraren aurkako neurrien plan bat onetsi du, Europako Batzordeak eta Ogasun Ministerioak Berreskuratze eta Erresilientzia Mekanismitik datozen funtsen inguruan ezarritako eskakizunekin bat etorriz. Bertan, mekanismoak ezartzen dira BEMk finantzatutako proiektuen inguruan iruzur susmoak edo kasuak prebenitzeko, detektatzeko, zuzentzeko eta jazartzeko, hala nola interes gatazkak prebenitzeko eta zuzentzeko prozedurak edo proiektu horiekin lotutako irregulartasunak edo iruzur susmoak jakinarazteko prozedurak, eta salaketak jartzeko bide bat ezarri da, Iruzurraren aurkako Koordinazio Zerbitzu Nazionalarekin eta Iruzurraren aurka Borrokatzeko Europako Bulegoarekin (OLAF) koordinatuta.